



**Arferit angisuut nunatsinnut pisassiissutaasartut tamakkerneqarneq ajornerat pillugu aammalu tamakkerlugit pisarineqannginnerannut aporfiusartut qanoq iliuuseqarnikkut piarneqarsinnaanersut pillugu Naalakkersuisut nalunaarusioqqullugit peqquneqarnissaannik Inatsisartut aalajangiiffigisassaattut siunnersuut. Nalunaarusiaq kingusinnerpaamik UKA2020-imi saqqummiunneqartussanngorlugu.**

(Inatsisartunut ilaasortaq Nikkulaat Jeremiassen, Siumut)

(Siullermeerneqarnera)

Demokraatit siunnersuummut isumaqataallutik imatut oqaaseqarfigissavaat.

Arfanniarneq kalaallit kulturianniittuarsimavoq, imminullu nerisassanik pilersorsinnaanermut akuujuarsimalluni.

Taamaammat nuannaartitsisimaqaaq Kalaallit Nunaanni ukiorpaalunni arfanniaqqusaasimanani kiisami pisassiissutiniq tunineqaqqimmat, taamaalillutalu arfanniaqqissinnaalerluta. Pisassiissutigineqartut nunat allat suleqatigalugit aaliangersimasumik amerlassusilerlugit tunniunneqarsimapput.

Pissuussutiniq uumassusilinnik piniarsinnaatitaasimagutta, soorunami aamma tamakkerlugit pisarineqartussaassapput.

Tammanna pissuussutiniq uumassusilinnik tamanut atuuppoq, taamaammallu Demokraatit pisassiissutaasartut tamakkerneqarneq ajornerannut aporfiusartut qanoq iliuuseqarnikkut piarneqarsinnaanersut pillugu Naalakkersuisut nalunaarusioqqullugit peqquneqarnissaannut siunnersuummut isumaqataalluinnarput.

Nalunaarusiaq aqutigalugu periarfissanngussallunilu aaqqiivigineqarsinnaanngussaaq pisassiissutit tamakkerlugit pisarineqartarnissaat piniartut inuiaqatigiillu iluaqutigisassaannik.

Taamatut naatsunnguamik oqaaseqarluta Demokraatit siunnersuut akuerineqarnissaanut innersuupparput, Aalisarnermut, Piniarnermut Nunalerinermullu Ataatsimiititaliaanut sammineqarnissaanut ingerlateqqillugu.